

荀子集解

荀子卷第十四

○盧文弨曰此卷各本皆無注

唐登仕郎守大評事楊 倞 注

臣 王先謙集解

樂論篇第二十

夫樂者樂也人情之所必不免也故人不能無樂樂則必發於聲音形於動靜而人之道聲音動靜性術之變盡是矣故人不能不樂樂則不能無形形而不爲道則不能無亂先王惡其亂也故制雅頌之聲以道之使其聲足以樂而不流使其文足以辨而不詭

○盧文弨曰禮記樂記作論而不息史記樂書作綸而不息此作詭乃詭字之訛莊子人間世篇氣息第然向本作詭崔本亦同案詩南有喬木不可休息息亦是思字此二字形近易訛也郝懿行曰詭乃別字古止作息樂記作論而不息是也苟書多以詭爲使此又以詭爲息皆假借也

使其曲直繁省廉肉節奏足以感

動人之善心

○盧文弨曰繁省史記同禮記作繁瘠

使夫邪汙之氣無由得接焉

是先王立樂之方也而墨子非之奈何

○盧文弨曰墨子書有非樂篇

故樂在

宗廟之中君臣上下同聽之則莫不和敬閨門之內父子兄弟

同聽之則莫不和親鄉里族長之中長少同聽之則莫不和順

故樂者審一以定和者也比物以飾節者也合奏以成文者也

○盧文弨曰禮記作節奏合以成文史記同郝懿行曰節以分析言之奏以合聚言之語甚明晰樂記作節奏合以成文則總統言之而此於義較長

足以率一道足以治萬變是先王立樂之術也而

墨子非之奈何故聽其雅頌之聲而志意得廣焉執其干戚習

其俯仰屈伸而容貌得莊焉行其綴兆要其節奏而行列得正

焉進退得齊焉故樂者出所以征誅也入所以揖讓也征誅揖

讓其義一也出所以征誅則莫不聽從入所以揖讓則莫不從

服故樂者天下之大齊也中和之紀也人情之所必不免也是先王立樂之術也而墨子非之奈何且樂者先王之所以飾喜

也軍旅鈇鉞者先王之所以飾怒也先王喜怒皆得其齊焉

文昭曰禮記齊作脩郝懿行曰齊才細切謂分齊也樂記作脩假借字耳先謙案史記樂書作齊是故喜而天

下和之怒而暴亂畏之先王之道禮樂正其盛者也而墨子非

之故曰墨子之於道也猶瞽之於白黑也猶聾之於清濁也猶

欲之楚而北求之也

先謙案各本脫欲字據宋台州本補正

夫聲樂之入人也深

其化人也速故先王謹爲之文樂中平則民和而不流樂肅莊

則民齊而不亂民和齊則兵勁城固敵國不敢嬰也如是則百

姓莫不安其處樂其鄉以至足其上矣然後名聲於是白光輝

於是大四海之民莫不願得以爲師

先謙案師長也說詳儒效篇

是王者之

始也樂姚冶以險則民流慢鄙賤矣流慢則亂鄙賤則爭亂爭則兵弱城犯敵國危之如是則百姓不安其處不樂其鄉不足其上矣故禮樂廢而邪音起者危削侮辱之本也故先王貴禮樂而賤邪音其在序官也曰脩憲命審誅賞禁淫聲以時順脩使夷俗邪音不敢亂雅太師之事也

○先謙案序官以下語見王制篇審誅賞當爲審詩

商之說說詳彼注

墨子曰樂者聖王之所非也而儒者爲之過也君子

以爲不然樂者聖人之所樂也而可以善民心其感人深其移

風易俗

○先謙案史記作其風移俗易語皆未了此二語相儗當是其感人深其移風俗易與富國篇其道易其塞固

其政令一其防表明句法一例上文聲樂之入人也深其化人也速卽是此意讀者據下文妄改耳故先王導之

以禮樂而民和睦夫民有好惡之情而無喜怒之應則亂先王

惡其亂也故脩其行正其樂而天下順焉故齊衰之服哭泣之

聲使人之心悲帶甲嬰軸歌於行伍使人之心傷。俞樾曰歌於行伍何以

使人心傷義不可通傷當爲楊荀子書多用陽字脩身篇曰加

悍也又榮辱篇曰楊悍憍暴注亦云楊與蕩同歌於行伍則使

人之心爲之動蕩故曰使人之心楊楊傷形似因致譌耳先謙

案說文胃司馬法姚冶之容鄭衛之音使人之心淫紳端章甫

作章又兄議兵篇

舞韶歌武使人之心莊故君子耳不聽淫聲目不視女色口不

出惡言此三者君子慎之凡姦聲感人而逆氣應之逆氣成象

而亂生焉正聲感人而順氣應之順氣成象而治生焉唱和有

應善惡相象故君子慎其所去就也君子以鐘鼓道志以琴瑟

樂心動以干戚飾以羽旄從以磬管。盧文弨曰元刻

作簫管與禮記同故其清

明象天其廣大象地其俯仰周旋有似於四時。盧文弨曰元

刻周旋作隨還

故樂行而志清禮脩而行成耳目聰明血氣和平移風易俗天

下皆寧美善相樂

謝本從盧校作莫善於樂盧文弼曰宋本作美善相樂王念孫曰元刻以上文言移風

易俗又以孝經言移風易俗莫善於樂故改爲莫善於樂也不知美善相樂正承上五句而言唯其樂行志清禮脩行成是以天下皆移風易俗而美善相樂此樂字請喜樂之樂下文君子樂得其道小人樂得其欲云云皆承此樂字而言若改爲莫善於樂則仍誦禮樂之樂與上下文皆不相應矣樂記亦云故樂行而倫清耳目聰明血氣和平移風易俗天下皆寧此下若繼之曰莫善於樂尙成文理乎仍當依宋本作

美善相樂爲是先謙案王說是今改從宋本

故曰樂者樂也君

子樂得其道小人樂得其欲以道制欲則樂而不亂以欲忘道則惑而不樂故樂者所以道樂也金石絲竹所以道德也樂行而民鄉方矣故樂者治人之盛者也而墨子非之且樂也者和之不可變者也禮也者理之不可易者也樂合同禮別異禮樂之統管乎人心矣窮本極變樂之情也著誠去僞禮之經也墨子非之幾遇刑也明王已沒莫之正也愚者學之危其身也君

子明樂乃其德也亂世惡善不此聽也

。顧千里曰德字疑當作人與上下韻此篇

注亡宋本與今本同蓋皆誤俞樾曰自窮本極變樂之情也至

弟子勉學無所營也十八句皆有韻之文獨德字不入韻當必

有誤荀子原文疑作乃斯聽也斯與此文異義同乃斯聽也與

不此聽也反復相明古人用韻不避重複如采薇首章連用二

微狁之故句正月一章連用二自日字十月之交首章連用二

而微字車牽三章連用二庶幾字文王有聲首章連用二有聲

字召旻卒章連用二百里字並其例也後人疑兩句不得疊用

聽字因改上句為乃其德也不特於韻不諧而亦失其義矣

於乎哀哉不得成也弟子勉學無所營也

。盧文弨曰勉元聲

樂之象鼓大麗

。盧文弨曰宋本作天麗先謙案作大者是鼓

麗說文周禮六鼓雷鼓八面鼗鼓六

面路鼓四面鼓鼓皋鼓晉鼓皆兩而

鐘統寶。先謙案統者鐘

圖徵曰據鐘以知君鐘聲調則君道得實者成實

也五經通義曰鐘秋分之音萬物至秋而成也

廣雅釋詁廉棧也若有所制也詳白虎通禮樂篇下文莫

以明貴賤親疏長幼之節是有制也

不廉制亦謂舞之容節

莫不廉棧而有茲斷也

竿笙簫和

。王引之曰簫當為肅言竿

向傳曰雜選眾賢罔不肅和是也。竽笙蕭和箎簫發狂填箎翁
博三句相對為文。今本肅作蕭者，因竽笙二字相連而誤加竹
耳。又下文云：「鼓似天鐘，似地磬，似水竽，笙箎簫似星。」

辰日月今本竽笙下有譜和二字，亦因上文而衍。
○先謙案：樂書集解引王肅曰：「猛起發揚是發猛同義。」

日猛起發揚是發猛同義。填箎翁博。○俞樾曰：「翁當為肅文
杏翁博，猶消滿也。博瑟易良。」

與渤亦一聲之轉。瑟易良。○先謙案：非十二子篇云：「其容琴
婦好。」郝懿行曰：「鼓天麗已下，蓋古樂經之文，而荀子述之故。」

注云：「女好柔婉也。」婦好當歌清盡。○先謙案：盡者舞意，天道兼
與女好同，亦柔婉之意。

鼓其樂之君邪？故鼓似天鐘，似地磬，似水竽，笙簫和箎，簫似星

辰日月。執杞拊，疊控楬，似萬物。○郝懿行曰：「拊疊禮論篇作拊，

箎相僂，亦皆樂器名所未聞。隔其義當同，又蕭和與竽笙箎

先謙案：簫和二字衍說見上。曷以知舞之意？曰：目不自見，耳不

自聞也。然而治俯仰，詘信進退遲速，莫不廉制盡筋骨之力，以

要鐘鼓俯會之節，而靡有悖逆者，眾積意詳諱乎。

○盧文弨曰：元刻無意字。

譚說文作譚云語譚也直尚切元刻正同都越行曰此
論舞意與眾音繁會而應節如人告語之熟譚譚然也

吾觀於鄉而知王道之易易也

此為孔子之言句首孔子曰三

字似主人親速賓及介而眾賓皆從之至于門外主人拜賓及

介而眾賓皆入賁賤之義別矣

元。盧文弨曰兩皆字元刻作自與禮記同

三揖至于

階三讓以賓升拜至獻酬辭讓之節繁及介省矣至于眾賓升

受坐祭立飲不酢而降隆殺之義辨矣

謝本從盧校無降字盧文弨曰元刻而字下

有降字與禮記同王念孫曰元刻是

先謙案宋本奪降字今從元刻工入升歌三終主人獻之笙

入三終主人獻之閒歌三終合樂三終工告樂備遂出二人揚

觶乃立司正焉知其能和樂而不流也賓酬主人主人酬介介

酬眾賓少長以齒終於沃洗者焉

謝本從盧校無洗字盧文弨曰元刻沃下有洗字與禮

記同王念孫曰元刻是焉字下屬為句說見劉氏經傳小記先謙案宋本奪洗字今從元刻

知其能弟長而

無遺也降說屢升坐脩爵無數飲酒之節朝不廢朝莫不廢夕
賓出主人拜送節文終遂焉知其能安燕而不亂也貴賤明隆
殺辨和樂而不流弟長而無遺安燕而不亂此五行者是足以
正身安國矣○慮文弼曰元刻無是字與禮記同彼國安而天下安故曰吾觀於
鄉而知王道之易易也

亂世之徵

○慮文弼曰舊本不
行今案當分段

其服組

○先謙案書禹貢馬注
組文也服組謂華侈

其容婦其俗淫其志利其行穰其聲樂險

○先謙案廣雅
釋詁險衰也

其文

章匿而采

○先謙案匿讀為懸
邪也說見天論篇

其養生無度其送死瘠墨

○都
行

曰禮論篇云送死不忠厚不敬文謂之瘠刻死而附生
謂之墨墨者墨子之教以薄為道也瘠亦儉薄之意

賤禮義

而貴勇力貧則為盜富則為賊治世反是也

荀子卷第十四

荀子卷第十五

唐登仕郎守大理評事楊 倞 注

臣 王先謙集解

解蔽篇第二十一

蔽者言不能通明滯於一隅如有物壅蔽之也

凡人之患蔽於一曲而闇於大理

一曲一端之曲說是時各蔽於異端曲說故作此篇以解

之。先謙案是時二句當在如有物壅蔽之也下

治則復經兩疑則惑矣

言治世用禮義則自復經

常之正道兩疑謂不知一於正道而疑蔽者爲是一本傳並后匹嫡兩政耦國是兩與匹耦義同疑讀如疑妻疑適之疑管子君臣

篇內有疑妻之妾此宮亂也庶有疑適之子此家亂也朝有疑相之臣此國亂也字亦作擬韓子說疑篇孽有擬適之子配有

擬妻之妾廷有擬相之臣臣有擬主之寵此四者國之所危也意與管子同天下之道一而已矣有與之相敵者是爲兩有與

之相亂者是爲疑兩焉疑焉惑從此起故曰兩疑則惑矣如楊注則疑卽惑也於義複矣一本

則不得其解而誤乙其文也天下無二道聖人無兩心今諸

侯異政百家異說則必或是或非或治或亂

。盧文弨曰宋本或皆作惑元刻治

理作亂國之君亂家之人此其誠心莫不求正而以自爲也如繆

於道而人誘其所迨也

迨近也近謂所好也言亂君亂人本亦求理以其嫉妬迷繆於道故人因其所

好而誘之謂若好儉則墨氏誘之好辯則惠氏誘之也。都懿行曰迨者及也注訓近則借爲殆字殆訓近也其義較長私

其所積唯恐聞其惡也

積倚其所私以觀異術唯恐聞其美也

倚任也或曰偏倚也猶傍觀也言如於異術也。盧文弨曰案傍觀元刻作倚觀

是以與治雖走而是

己不輟也

走並馳治謂正道也既私其所習如繆於道雖與治並馳而自是不輟雖或作離。都懿行曰雖當依注

作離此乃形與治離走謂離去正道而走而自是以爲是不輟止也王念孫曰作離是也言與治離走而自是不也作離者

字之誤耳

豈不蔽於一曲而失正求也哉心不使焉則

白黑在前而目不見雷鼓在側而耳不聞況於使者乎

雷鼓大鼓聲如

雷者使役也以論不役心於正道則自無聞見矣況乎役心於異術豈復更聞正求哉。俞樾曰下使字乃蔽字之誤白黑之

形雷鼓之聲尙且不見不聞況於蔽者乎此承上文蔽於一曲而言下文欲爲蔽惡爲蔽諸句又承此而極言之故篇名解蔽也因涉心不使焉句而誤作使既云心不使焉又云況於使者乎文不可通楊曲爲之說非是德道之人有賢○王念孫曰德道卽得道也到上九君升德而用文王官人篇小德而好大得道則德作德楊說失之亂國之君

非之上亂家之人非之下豈不哀哉

上下其非故可哀也

故爲蔽

數爲蔽之端也謝本從盧校作數爲蔽盧文弼曰正文數宋本作故郝懿行曰案數當作故故語詞也此句

爲下十蔽總冒作數於義爲短王念孫曰作故者是也呂錢本並如是注言數爲蔽之端者數所主反下文言人之蔽有十故先以故爲蔽三字總冒下文然後一一數之於下注言數爲蔽之端亦是總冒下文之詞而正文自作故不作數也若云數爲蔽則不辭甚矣元刻作數卽涉注文而誤俞樾曰故猶胡也墨子尙賢中篇故不察尙賢爲政之本也下文作胡不察尙賢爲政之本也是故與胡同管子修靡篇公將有行故不送公亦以故爲胡故爲蔽猶云胡爲蔽胡之言何也乃設爲問辭下文欲爲蔽云云乃歷數以應之也元刻涉注文而誤作數爲蔽盧氏從之非先謙案郝王說是今從宋本改正故訓爲胡俞說是也

欲爲蔽惡爲蔽始爲蔽終爲蔽遠爲蔽近爲蔽博爲蔽淺爲蔽

古為蔽今為蔽

此其所知所好滯於一隅故皆為蔽也

凡萬物異則莫不相為蔽

此心術之公患也

公其也所好異則相為蔽

昔人君之蔽者夏桀殷紂是也

桀蔽於末喜斯觀

○郝懿行曰斯觀無攷楚語云啟有五觀謂之姦子然則斯觀豈其苗裔

而不知

關龍逢以惑其心而亂其行

末喜桀妃斯觀未聞韓侍郎云斯或當為斟斟觀夏同姓國蓋其君

當時為桀佞臣也國語史蘇曰昔夏桀伐有施有施人以末喜女焉賈侍中云有施喜姓國也紂蔽於妲己飛

廉而不知微子啟以惑其心而亂其行

妲己紂妃飛廉紂之佞臣惡來之父善走者秦

之祖也微子紂之庶兄微國子爵啟其名也國語曰殷紂伐有蘇有蘇氏以妲己女焉賈侍中云有蘇亡姓國也

故羣

臣去忠而事私百姓怨非而不用

事任也不用不為上用也非或為誹

賢良退處

而隱逃此其所以喪九牧之地而虛宗廟之國也

九牧九州之牧虛讀為墟

桀死於亭山

亭山南巢之山或本作鬲山案漢書地理志廬江有潯縣當是誤以潯為鬲傳寫又誤為亭潯音潛

○王念孫曰案作鬲山者是也鬲讀與厯同字或作厯太平御覽皇王部七引尸子曰桀放於厯山淮南脩務篇湯整兵鳴條

困夏南巢謠以其過放之歷山高注曰歷山蓋歷陽之山
黃帝所居今和州治其西有歷陽山名也
淮南子曰湯放桀於歷山與未喜同舟浮江奔南巢之山而死
此所引歷山即鬲山也史記滑稽傳銅歷為棺索隱曰歷即釜
鬲也是鬲歷古字通楊以鬲山為鬲山之誤非也鬲山在鬲州也
鬲山在鬲州也鬲州在鬲縣也
九山名矣紂縣於赤旆
紂縣於赤旆史記武王所紂頭縣於太白
身不先知人

又莫之諫此蔽塞之禍也成湯監於夏桀故主其心而慎治之
主其心言不為邪佞所惑也是以能長用伊尹而身不失道此其所以代夏

王而受九有也文王監於殷紂故主其心而慎治之是以能長

用呂望而身不失道此其所以代殷王而受九牧也九有九州也

撫有其地則謂之九牧遠方莫不致其珍故目視備色耳聽備

聲口食備味形居備宮名受備號生則天下歌死則四海哭

文昭曰案元刻作天下哭夫是之謂至盛詩曰鳳凰秋秋其翼若干其聲若

蕭有鳳有鳳樂帝之心此不蔽之福也逸詩也爾雅鵠鳳其雌

干楯也此帝蓋謂堯也堯時鳳凰巢於阿閣言堯能用賢不蔽

有鳳有鳳秋蕭為韻鳳心為韻說文鳳從凡聲古音在侵部故

與心為韻蕭鳳從凡聲而與心為韻猶風從凡聲而與心為韻也

心為韻蕭鳳從凡聲而與心為韻猶風從凡聲而與心為韻也

改為有鳳有鳳引段增清登承為韻伯厚詩攷引此後人不知古音而

祥瑞部太平御覽人事部羽族部引此茲作有皇有鳳先言皇

失其義太文協韻耳古書中羽族部引此茲作有皇有鳳先言皇

莊子其義太文協韻耳古書中羽族部引此茲作有皇有鳳先言皇

無物而始今木作東兩各本為韻而始今木作東兩各本為韻而

昔人臣之蔽者唐鞅奚齊是也唐鞅宋康王之臣呂氏春

不禮奚齊晉獻公驪姬之子論衡曰宋王問唐鞅曰吾殺戮甚

厚而羣臣愈不畏何也對曰王之罪盡不善者也罪不善者

善者胡為畏王欲羣臣之畏也若不若無辨其善與不善一時罪

之則羣臣畏矣宋王從之。盧文弨曰宋本此注多脫字從元

刻補正呂氏淫辭篇亦載此唐鞅蔽於欲權而逐載子載讀為

事一時罪之作而時罪之唐鞅蔽於欲權而逐載子載讀為

勝使辭居州傅王者見孟子或曰戴子戴驥也韓子曰戴驥爲
宋太宰夜使人曰吾聞數夜有乘輜車至李史門者謹爲我司
之使者報曰不見輜車見有奉笥而與李史史受笥又戴驥謂
齊王曰王太仁於弊公大不忍人據其時代當是戴驥也蓋爲
唐鞅所逐奔齊也。盧文弨曰案引韓子前一段見內儲說上
宋本字有錯誤據本書訂正輜車本書作輜車後一段本書作
成驥又內儲說下云戴驥皇喜二人爭事相害皇喜奚齊蔽於
遂殺宋君而奪其政則非唐鞅所逐也或說似率合奚齊蔽於
欲國而罪申生申生晉獻公之太子奚齊之兄爲驪姬所譖獻
齊其君之子云者國人不予也唐鞅戮於宋奚齊戮於晉逐賢
不正其殺世子申生而立之也

相而罪孝兄身爲刑戮然而不知此蔽塞之禍也故以貪鄙背
叛爭權而不危辱滅亡者自古及今未嘗有之也鮑叔甯戚陽

朋仁知且不蔽故能持管仲而名利福祿與管仲齊持扶翼也召公

呂望仁知且不蔽故能持周公而名利福祿與周公齊傳曰知

賢之謂明輔賢之謂能。○盧文弨曰宋本彊作能案彊字與上
下韻叶王念孫曰盧說非也知賢之謂

明承上文仁知且不蔽而言輔賢之謂能承上文能持管仲能持周公而言勉之彊之其福必長承上文名利福祿與管仲齊與周公齊而言此四句本不用韻元刻能作彊乃涉下勉之彊之而誤呂錢本竝作能先謙案謝本從盧校作彊今依王說從宋本勉之彊之其福必長此之謂也此不蔽之福也勉之彊之改能於知賢輔賢然後其昔賓孟之蔽者亂家是也實孟周景王之福長也彊直亮反朝者亂家謂亂周之家事使庶孽爭位也。俞樾曰楊注誤下文歷數墨子諸人之蔽全與賓孟無涉此二語上無所承下無所應殊爲不倫據上文云昔人君之蔽者夏桀殷紂是也下乃極言桀紂之蔽而終以成湯文王之不蔽者明不蔽之福又云昔人臣之蔽者唐鞅奚齊是也下乃極言唐鞅奚齊之蔽而終以鮑叔甯戚諸人之不蔽者明不蔽之福此文云昔賓孟之蔽者亂家是也下乃歷舉墨子諸人之蔽而終以孔子之不蔽者明不蔽之福三段相對成文則賓孟之蔽句正與上文人君之蔽人臣之蔽相對所云賓孟殆非周之賓孟且非人名也孟當讀爲萌孟與明古音相近故孟可爲萌猶孟豬之爲明都孟津之爲盟津也呂氏春秋高義篇載墨子之言曰若越王聽吾言用吾道翟度身而衣量腹而食比於賓萌未敢求仕高注曰賓客也萌民也所謂賓萌者蓋當時有此稱戰國時遊士往來諸侯之國謂之賓萌若下文墨子宋子慎子申子惠子莊子皆其

人矣然則上言人君之蔽人臣之蔽此言賓萌之蔽文正相對
人君之蔽人臣之蔽止舉兩人故可曰夏桀殷紂是也唐鞅奚
齊是也賓萌之蔽則所舉人多不可並列故曰亂家是也亂家
包下文諸子而言上文云亂國之君亂家之人又曰亂國之君
非之上亂家之人非之下此亂家二字之證也賓萌之稱它
書罕見而字又段孟爲萌適與周賓孟之名同其義益晦矣墨
子蔽於用而不知文欲使上下勤力股無胈脰無毛宋子蔽於
欲而不知得宋子以人之情欲寡而不欲多但任其所欲則自
得德字通用蔽於欲而不知賢德正與下慎子蔽於法而不知賢
句慎子蔽於法而不知賢一律注失之慎子蔽於法而不知賢
慎子本黃老歸刑名多明不尚賢不使能之道故其說曰多賢
不可以多君無賢不可以無君其意但明得其法雖無賢亦可
爲治而不知法申子蔽於執而不知知申子名不害河南京縣
待賢而後舉也申子蔽於執而不知知人韓昭侯相也其說但
賢得權執以刑法馭下而不知權執待惠子名不害河南京縣
才智然後治亦與慎子意同下知音智惠子蔽於辭而不知實
惠子蔽於虛辭而不知實理虛辭謂若山出口丁子有尾之類也莊子蔽於天而不知人天謂
自然之道莊子但推治故由用謂之道盡利矣由從也若由於
亂於天而不知在人也故由用謂之道盡利矣用則天下之道

無復仁義皆盡於求利也。先謙案如注道字下屬謂之二字

無著此言由用而謂之道則人盡於求利也。下並同數者道之

一隅而墨宋諸人自以為由俗謂之道盡噤矣。俗當為欲噤與

道所以為蔽也。楊失其讀。由俗謂之道盡噤矣。噤同快也。言若

從人所欲不為節限則天下之道盡於快意也。噤口簞反。由

虛文昭曰盡用矣。盡噤矣。元刻兩矣字俱作也。今從宋本。由

法謂之道盡數矣。由法而不由賢則天由執謂之道盡便矣。便

宜也。從執而去智則由辭謂之道盡論矣。論辨說也。由天謂之道盡

盡於逐便無復修立。此數具者皆道之一隅也。夫道者體常而盡

因矣。因任其自然。此數具者皆道之一隅也。夫道者體常而盡

變一隅不足以舉之。言道者體常盡變猶天地曲知之人觀於

道之一隅而未之能識也。曲知言不通於大道也。故以為足而

飾之。謂其持之有故其言之成理也。內以自亂外以惑人上

先謙案而或作五從宋台州本正。內以自亂外以惑人上

以蔽下下以蔽上此蔽塞之禍也。孔子仁知且不蔽故學亂術

足以為先王者也。亂雜也。言其多才藝足以及先王也。邦彥

行曰亂者治也。學治天下之術亂之一字包

治亂二一家得周道舉而用之不蔽於成績也一家得謂作春秋也周道舉謂

剛詩書定禮樂成積舊習也言其所用不滯於眾人舊習故能功業如此○郝懿行曰一家得周道句舉而用之句此言孔子

志在春秋行在孝經又曰吾學周禮今用之吾從周蓋能攷論古今成一家言不蔽於諸子雜說也先謙案郝讀是也言孔子

為春秋一家之言而得周之治道可以舉而用之是匹夫而有天子之道由其不蔽於成績也儒效篇云并一而不一所以成

積也并一而不一則通於神明參於天地涂之人百姓積善而全盡謂之聖人道由積而成故謂之成績不蔽於成績者猶言

不蔽於道之全體也正對上道之一隅言之榮辱篇云安知廉恥隅積亦以隅積對文與此可互證楊以成績為舊習誤甚

故德與周公齊名與三王並此不蔽之福也聖人知心術之患

見蔽塞之禍故無欲無惡無始無終無近無遠無博無淺無古

無今兼陳萬物而中縣衡焉不滯於一隅但當其中而縣衡揣其輕重也是故眾異

不得相蔽以亂其倫也理倫何謂衡曰道道謂禮義故心不可以不知

道心不知道則不可道而可非道心不知道則不以道為可謂合意也人孰欲

得恣而守其所不可以禁其所可

人心誰欲得縱恣而肯守其不合意之事以自禁其合意

者以其不可道之心取人則必合於不道人而不知合於道人

各求其類。俞樾曰知字衍下文云以其可道之心取人則合

於道人而不合於不道人正與此文相對彼云不合而不云不

知合則此文亦

無知字明矣以其不可道之心與不道人論道人亂之本也

必有姦賢害善。盧文弨曰宋本作與不可道之人論道人元

刻作與不道人無可之論道人五字今案當作與不道人論道

兩本有衍有脫下一人字亦可去王念孫曰盧說非也與不道

人論道人亂以謂與小人論君子非謂與之論道也上文云得

道之人亂國之君非之上亂家之人非之下豈不哀哉正所謂

與不道人論道人也與不道人論道人則道人退而不道人進

國之所以亂也故曰與不道人論道夫何以知人問何道以知道

人亂之本也故楊云必有姦賢害善夫何以知人問何道以知道

夫何以知與下文何患不知相對蓋言心不知道則將與不道

人論道人必至姦賢害善矣夫何以知心知道則與道人論非

道必能懲姦去惡矣何患不知此兩知字與知道之知不同當

讀爲智夫何以知猶言夫何能智也楊注以爲問辭失之甚矣

曰心知道然後可道

俞樾曰曰字衍心知道然後可道與上文心不知道則不可道而可非道相對成

文皆承故心不可以不知道而言因上句夫何以知楊注誤以爲問辭後人遂以此數句爲答辭妄加曰字可道然

後能守道以禁非道以其可道之心取人則合於道人而不合

於不道之人矣以其可道之心與道人論非道治之要也必能

去惡。盧文弨曰正文非字疑衍注似曲爲之說王念孫曰盧說亦非也與道人論非道謂與道人論非道之人非謂與之論

道也與道人論非道人則非道人退而道人進國之所以治也

故曰與道人論非道治之要也楊云必能懲姦去惡正釋治之

要三字非曲爲之說也何患不知心苟知道何故治之要在於

知道人何以知道既知道人在於知道曰心在心心何以知曰

虛壹而靜能然則可以知道也。郝懿行曰壹者專心未嘗不

臧也然而有所謂虛臧讀爲藏古字通下同言心心未嘗不滿

也然而有所謂一滿當爲兩兩心未嘗不動也然而有所謂靜

雖動不使害靜也人生而有知知而有志志也者臧也在心然而有所

謂虛不以所已臧害所將受謂之虛

見善則還不滯於積習也

盧文弨曰已所臧元刻作所已臧郝懿行曰臧古藏字將者送

也受者迎也言不以已心有所藏而妨害於所將送迎受者則

可謂中虛矣王念孫曰所已臧與所將受對文元刻是也楊注

積習二字正釋所已臧三字錢本世德堂本並作所已臧先謙

案王說是今心生而有知知而有異異也者同時兼知之同時

兼知之兩也然而有所謂一不以夫一害此一謂之壹

既不滯於一隅

物雖輻湊而至盡可以一待之也。先謙案夫猶彼也知雖有

兩不以彼一害此一荀書用夫字皆作彼字解此尤其明證楊

注未心臥則夢儉則自行使之則謀

臥寢也自行放縱也使役

夢儉則必放縱役用則必謀慮。先謙案夢故心未嘗不動也

行謀皆心動之驗或以夢為夢然無知非

然而有所謂靜不以夢劇亂知謂之靜

夢想象也劇置煩也言

實煩而介於胷中以亂其知斯為靜未得道而求道者謂之虛

也此皆明不蔽於一端虛受之義也

壹而靜

有求道之心不滯於偏見曲說則是虛壹而靜作之則將須道者之虛則人將

事道者之壹則盡盡將思道者靜則察

此義未詳或恐脫誤耳或曰此皆論虛壹而靜

之功也作動也須待也將行也常爲須道者虛則將事道者壹

則盡思道者靜則察其餘字皆衍也作之則行言人心有動作

則自行也以虛心須道則萬事無不行以一心事道則萬物無

不盡以靜心思道則萬變無不察此皆言執其本而未隨也

王引之曰楊訓將爲行而以作之則將絕句又增刪下文而強

爲之解皆非也此當以作之二字絕句下文當作則將須道者

之虛虛則入將事道者之壹壹則盡將思道者之靜靜則察此

承上文虛一而靜言之將語詞也道者卽上所謂道人也言心

有動作則將須道者之虛虛則能入將事道者之壹

壹則能盡將思道者之靜靜則能察也虛則入者入納也猶言

虛則能受也故上文云不以所已臧害所將受謂之虛也壹則

盡者言壹心於道則道無不盡也靜則察者言靜則事無不察

也今本入誤作人其知道察知道行體道者也知道察謂思道

餘又有脫文衍文耳知道察知道行體道者也知道察謂思道

道行謂須道者虛則虛壹而靜謂之大清明言無有壅蔽者

將也體謂不離道也

大萬物莫形而不見莫見而不論莫論而失位

形者無不見見則無不能論說論說則無不得其宜○郝懿行

曰見諸爲現現者示也論讀爲倫倫者理也言萬物莫有形而

不顯示於人莫顯示人而不有
倫理無不宜而分位不失
坐於室而見四海處於今而論

久遠
元刻論作聞疏觀萬物而知其情參稽治亂而通其度

參驗稽考
經緯天地而材官萬物制割大理而宇宙裏矣
材謂當其

分官謂不失其任裏
當為理材或為裁也
恢恢廣廣孰知其極

涓涓紛紛孰知其形明參日月大滿八極夫是之謂大人夫惡

有蔽矣哉
此皆明虛壹而靜則通於神明人莫能測也又安能

涓音官又音貫
○盧文弨曰正文上夫字宋本無顧千里曰廣

廣疑當有誤與上文恢恢廣廣重出二字以楊注畢讀為皦例

之則此句廣疑為皦也孰知
心者形之君也而神明之主也出

其形形字不入韻疑當作則
心者形之君也而神明之主也出

令而無所受令
心出令以使百體
自禁也自使也自奪也自取

也自行也自止也
此六者皆由心使之
故口可劫而使墨云形

可劫而使誑申心不可劫而使易意是之則受非之則辭
劫迫也云

言也百體可劫心不可劫所以尤宜慎擇所好懼蔽塞之患也
○郝懿行曰墨與默同云者言也或默或語皆可力劫而威使
之中當作信而讀爲申荀書皆然陳奐曰案墨與默同楚辭
九章孔靜幽默史記屈原傳作墨商君傳殷紂墨墨以亡故

曰心容其擇也無禁必自見其物也襍博容受也言心能容受萬物若其選擇無所

禁止則見襍博不精所以貴夫虛壹而靜也○先謙案此承上
文心者形之君也云云而引古言以明之心自禁使自奪取自

行止是容其自擇也正名篇亦云離道而內自擇容訓如非十

二子篇容辨異之容無所受令是無禁也神明之主出令是必

自見也物雖襍博精至則不貳心容其情之至也不貳其情之至極在

其擇也句無禁必自見句楊失其讀其情之至也不貳至極在

一而不貳若襍博則惑○盧文弨曰元刻精作精注同先謙案

元刻作精是也作情者精之借字脩身篇術順墨而精雜汗注

精當爲情此荀書詩云采采卷耳不盈頃筐嗟我懷人寘彼周

精情互通之證

行詩周南卷耳之篇毛公云采采事采之也卷耳苓耳也頃筐

行畚屬易盈之器也思君子置於周之列位也○盧文弨曰注

卷耳苓耳也宋本元刻皆同俗本依廣雅頃筐易滿也卷耳易

改作泉耳不知毛傳自用爾雅爲訓耳

得也然而不可以貳周行采易得之物實易滿之器以懷人寘

周行之心貳之則不能滿況乎難得

之正道而可以它術貳之乎。郝懿行曰貳謂貳之也言所懷在於實周行意不在於事采故雖易盈之器而不盈也毛傳正用其故曰心枝則無知傾則不精貳則疑惑以贊稽之萬物可師說兼知也枝旁引如樹枝也贊助也稽考也以一而不貳之道助考之則可兼知萬物若博襍則愈不知也。郝懿行曰案枝與岐同古字通用岐者不一也此由上文貳之之意郭嵩燾曰苟意言心不貳而推類可以知萬物至以身盡道惟無貳而已類不可以兩求也楊注失之先謙案王氏念孫云貳是貳之誤字說見天論篇今案此貳字與上下文緊相承注不當作貳王說非也身盡其故則美故事也盡不貳類不可兩也故知者擇非也一而壹焉凡事類皆不可兩故知者精於一農精於田而不可

以爲田師賈精於市而不可以爲賈師工精於器而不可以爲

器師

皆蔽於一技故不可爲師長也。王念孫曰呂錢本賈師作市師是也上文以兩田字相承下文以兩器字相承則

此文亦當以兩市字相承呂本作賈師者涉上賈精於市而誤有人也不能此三技而可使治

三官曰精於道者也

精於一道故可以理萬事

精於物者也

。盧文弨曰案此句當在不可

以爲器師之下誤脫在此王念孫曰此汪說也見丙申校本
樾曰精於物上疑當有非字言此人不能三技而可治三官者
精於道非精於物也精於物若農精於田賈精於市工精於器
是也精於道則君子是也下文云精於物者以物物精於道者
兼物物故君子一於道而以贊稽物可證其義今本奪非
字則精於道者也精於物者也兩語平行而其義違矣 精於

物者以物物

謂能各物其一物若農賈之屬也。盧文弨曰注各字舊本皆作名訛今改正下同

精於道

者兼物物

謂能兼治各物其一物者也

故君子壹於道而以贊稽物

一於道所以助

考物也助考

壹於道則正以贊稽物則察以正志行察論則萬

物官矣

在心爲志發言爲論官謂各當其任無差錯也

昔者舜之治天下也不以事詔

而萬物成

舜能一於道但委任眾賢而已未嘗躬親以事告人

處一危之其榮滿側養一

之微榮矣而未知

一謂心一也危之當爲之危危謂不自安戒懼之謂也側謂迫側亦充滿之義微精妙也

處心之危言能戒懼兢兢業業終使之安也養心之微謂養其
未萌不使異端亂之也處心之危有形故其榮滿側可知也養
心之微無形故雖榮而未知言舜之爲治養其未萌也。王念
孫曰成相篇云思乃精志之榮好而壹之神以成賦篇云血氣

之精也志意之榮也四榮字並同義故道經曰人心之危道心之微今虞書有此語而云道經

蓋有道之經也孔安國曰危則難安微則難明故戒以精一信執其中引此以明舜之治在精一於道不蔽於一隅也○郝懿

行曰道經蓋古言道之書今書大禹謨有此乃梅賾所采竄也唯允執其中一語為堯授舜舜授禹之辭耳危微之

幾惟明君子而後能知之幾萌兆也與機同○王念孫曰阮氏元曰此篇言知道者皆當專心壹志

虛靜而清明不為欲蔽故曰昔者舜之治天下也云云案後人在尚書內解此者姑弗論今但就荀子言荀子其意則曰舜身

行人事而處以專壹且時加以戒懼之心所謂危之也惟其危之所以滿側皆獲安榮此人所知也如此解之則引道經及明君

於幾微其心安榮則他人未知也如此解之則引道經及明君子二句與前後各節皆相通矣楊注謂危之當作之危非也危

之者懼蔽於欲而慮危也之危者已蔽於欲而陷危也謂榮為安榮者儒教篇曰為君子則常安榮矣為小人則常危辱矣凡

人莫不欲安榮而惡危辱據此則荀子常以安榮與危辱相對為言此篇言處一危之其榮滿側若不以本書證之則危榮二

字難得其解矣故解道經當以荀子此說為正非所論於古文尚書也案此說是也下文言聞耳目之欲遠蚊蚋之聲可謂危

矣未可謂微也言人能如舜之危不能如舜之微故人心譬如槃

微也然則所謂危者非蔽於欲而陷於危之謂

水正錯而勿動則湛濁在下而清明在上

湛讀爲沈泥滓也下同

則足以

見鬢眉而察理矣

理肌膚之文理。郝懿行曰鬢古止作須今俗作鬢理上當脫膚字榮辱篇及性惡篇並

云骨體膚理是矣

微風過之湛濁動乎下清明亂於上則不可以得大

形之正也

先謙案大字無義上言榮水見鬢眉膚理非能見身之全形也大形疑當爲本形富國篇天下之本利

也本當爲大明二字互誤

心亦如是矣故導之以理養之以清物莫之傾

謂

沖和

則足以定是非決嫌疑矣小物引之則其正外易其心內

傾則不足以決庶理矣

言此者以喻心不一於道爲異端所蔽則惑也。盧文弨曰庶理宋本作塵理

今從

故好書者眾矣而倉頡獨傳者壹也

倉頡黃帝史官言古亦有

元刻好書者眾矣而倉頡獨傳者壹也

倉頡黃帝史官言古亦有

頡一於其道異術不能亂之故獨傳也。盧文弨曰案宋本此注之末有情著古者倉頡之有天下守法授親神農亦然也十

九字文義不順今刪去之好稼者眾矣而后稷獨傳者壹也好樂者眾矣而夔獨傳者壹也好義者眾矣而舜獨傳者壹也倕作弓浮游作

矢而弄精於射

倅舜之共工世本云夷牟作矢宋衷注云黃帝臣也此云浮游未詳或者浮游夷牟之別名或

聲相近而誤耳言倅游雖作弓矢未必能射而弄精之也弓矢舜已前有之此云倅作弓當是改制精巧故亦言作也奚

仲作車乘杜作乘馬而造父精於御自古及今未嘗有兩而能

精者也

奚仲夏禹時車正黃帝時已有車服故謂之軒轅此云奚仲者亦改制耳世本云相土作乘馬杜與土同乘馬

四馬也四馬駕車起於相土故曰作乘馬以其作乘馬之法故謂之乘杜乘並音剩相土契孫也呂氏春秋曰乘馬作一駕○

盧文弨曰呂氏春秋勿躬篇作乘雅作駕一本乘雅作乘持疑持爲杜字之訛王念孫曰古無謂相土爲乘杜者乘杜蓋桑杜

之誤相桑古同聲故借桑爲相

作乘或作乘觀駢字二形相似又因下文乘馬而誤爲乘耳故謂之乘杜此則不得其解而曲爲之說曾子曰是其庭

可以搏鼠惡能與我歌矣

是蓋當爲視曾子言有人入視庭中可

外物誘之思不精故不能成歌詠也。盧文弨曰正文矣字元

刻作乎郝懿行曰此言庭虛無人至靜矣恐有潛修其中而深

思者我何可以歌詠亂之空后之中有人焉其名曰皐

空后石穴也蓋

古有善射之人處深山空石之中名之曰
願願字及事並未詳所出或假設喻耳
其爲人也善射以好

思
好喜也清靜思其射之妙○俞樾曰案凡射者必心手相得

思
方可求中非徒思之而已且其下文曰耳目之欲接則敗其

思
蚊蠱之聲聞則挫其精無一字及射然則楊注非也此射字

乃射策射覆之射漢書藝文志著龜家有隨曲射匿五十卷射

義也呂氏春秋重言篇載成公賈說荆莊王曰有鳥止於南方

之阜三年不動不飛不鳴是何鳥也王射之曰有鳥止於南方

之阜其三年不動將以定志意也其不飛將以長羽翼也其不

鳴將以覽民則也然則古人設爲度辭隱語而使人意度之耳

皆謂之射此云善射以好思卽謂此也非真援弓而射之也耳

目之欲接則敗其思蚊蠱之聲聞則挫其精是以闢耳目之欲

而遠蚊蠱之聲閑居靜思則通
挫損也精精誠也閑屏除也言

之思仁若是可謂微乎
言靜思仁如空石之人思射孟子惡敗

而出妻可謂能自彊矣
此已下答之之辭孟子惡其敗德有子

惡臥而燂掌可謂能自忍矣未及好也
有子蓋有若也燂灼也

刺股然也未及好也當爲未及好思也誤分在下更作一句耳
有子焯掌可謂能自忍其身則未及善射好思者也若思道之
至人則自無寢焉用焯掌乎。郝懿行曰當依楊注
作未及好思也先謙案楊郝說皆非當如郭說見下
欲可謂能自彊矣未及思也蚊蟲之聲聞則挫其精可謂危矣
未可謂微也可謂能自彊矣未及思也十字竝衍耳可謂危矣
微也微者精妙之謂也。郝懿行曰此文錯亂不可讀當作聞
耳目之欲而遠蚊蟲之聲可謂能自危矣未可爲微也如此訂
正方可讀餘皆涉上文而誤衍郭嵩燾曰下兩言何彊何忍何
危則此七句正作三項言之疑此可謂能自彊矣六字衍未及
思也句當在前可謂能自彊下忍堅於彊好甚於思出妻猶身
外也焯掌則及身矣蚊蟲之聲卽係之耳目者二句究屬一義
不應分言故知此段文句有誤倒亦有衍文先謙案郭說是也
此承上敏之好思言之不分二事上言可謂微乎故此答以未
可謂微也楊
夫微者至人也惟精惟一
至人也何彊何忍何危
如舜者
既造於精妙之域則冥與理會不在作
故濁明外景清明內景
爲苟未臻極雖在空石之中猶未至也
景光色也濁謂混沌清謂虛白。俞樾曰大戴記曾子天圓篇
參嘗聞之夫子曰天道曰圓地道曰方方曰幽而圓曰明明者

吐氣者也是故外景幽者含氣者也是故內景故火曰外景而金水內景荀子濁明外景清明內景之說即孔子之緒言也揚注所說未盡其旨聖人縱其欲兼其情而制焉者理矣夫何彊何忍何

危兼猶盡也聖人雖縱欲盡情而不過制者山於暗與理會故也何必如空石之徒乎先謙案縱當為從聖人無縱欲之

事從其欲猶故仁者之行道也無為也聖人之行道也無彊也

言從心所欲故仁者之行道也無為也聖人之行道也無彊也無為謂知達理則不作所謂造形而仁者之思也恭聖人之思

悟也無彊謂全無違理彊制之萌也也樂此治心之道也思慮也恭謂乾乾夕惕也樂謂性與天道無所不適無所不適也

則何彊何忍何危結上之辭揚注樂謂性與天道無所不適道當為通揚本不誤俗人依論語安改故誤耳性與天道無所不適

凡觀物有疑中心不定則外物不清清明吾慮不清則未可定

然否也冥冥而行者見寢后以爲伏虎也見植林以爲後人也

○俞樾曰上文見寢后以爲伏虎也伏與寢義相應此云後人

則與植林不相應矣植林豈必在後乎疑荀子原文本作立人

立與植正相應下文曰俯見其影以爲伏鬼也印視其髮以爲

立魅也亦以伏立對文可證也今作後人者疑涉上文誤立爲

伏又誤伏為後耳

冥冥蔽其明也

冥冥暮夜也

醉者越百步之溝以為踴步

之澮也

踴與踴同半步口澮小溝也

俯而出城門以為小之閨也酒亂其神

也

閨小門也。郭嵩燾曰說文閨特立之戶上闔下方似圭故以城門擬之釋宮宮中之門謂之闔其小者謂之閨閨為宮

門之小者不得徑謂之小門楊注未晰

厭目而視者視一以為兩掩耳而聽者聽

漠漠而以為响响執亂其官也

厭指按也一涉反漠漠無聲也响响喧聲也官司主也言執亂

耳目之所主

故從山上望牛者若羊而求羊者不下牽也遠蔽

其大也從山下望木者十仞之木若簣而求簣者不上折也高

蔽其長也

皆知為高遠所蔽故不往求然則守道者亦宜知異術之蔽類此也

水動而景搖人不

以定美惡水執玄也

玄幽深也或讀為眩

瞽者仰視而不見星人不以定

有無用精惑也

精目之明也

有人焉以此時定物則世之愚者也彼

愚者之定物以疑決疑決必不當夫苟不當安能無過乎

以疑決疑

猶慎也

夏首之南有人焉曰涓蜀梁

夏首夏水之首楚詞云過夏首而西浮顛龍門而不

見王逸曰夏首夏水口也涓蜀梁未詳何代人姓涓名蜀梁列仙傳有涓子齊人隱於宕山西朮能致風雨者也其為

人也愚而善畏

善猶喜也

好有所畏明月而宵行俯見其影以為伏鬼也

叩視其髮以為立魅也

叩與仰同

背而走比至其家失氣而死豈不

哀哉

背弃去也失氣謂困甚氣絕也。盧文弨曰正文比至其家下宋本有者字今從元刻去之

凡人之有

鬼也必以其感忽之間疑玄之時正之

感驚動也感忽猶恍惚也玄亦幽深難測也必

以此時定其有鬼也。郝懿行曰感讀為撼解已見議兵篇玄讀為眩荀書皆然王念孫曰正當為定聲之誤也事敗正必以其感忽之間疑玄之時定之者必以感忽之間疑眩之時而定

其有鬼也據楊注云必以此時定其有鬼則所見本是定字明矣定字上

文凡六見此人之所以無有而有無之時也

無有謂以有為無也

有也此皆人所疑惑之時也

而已以正事故傷於溼而擊鼓鼓痺則必有敵

鼓喪豚之費矣而未有俞疾之福也

己以正事謂人以此定事也辨冷疾也傷於溼則患

痺反擊鼓烹豚以禱神何益於愈疾乎若以此定事則與俗不殊也俞讀爲愈。郝懿行曰傷於溼而病痺擊鼓鼓之無損於疾徒取費耳此言愚惑之蔽王念孫曰自鼓痺以上脫誤不可讀似當作故傷於溼而痺痺而擊鼓烹豚則必有弊鼓喪豚之費矣而未有愈疾之福也楊云傷於溼則患痺反擊鼓烹豚以禱神何益於愈疾乎是其證故雖不在夏首之南則無以異矣慎墨之蔽亦猶是也

凡以知人之性也可以知物之理也以知人之性推之以可以則可知物理也

知人之性求可以知物之理而無所疑止之則沒世窮年不能

徧也疑止謂有所不爲窮年盡其年壽疑或爲疑。郝懿行曰疑止說已見王制篇荀書多作疑止皆俗人妄改之惟此未改楊注疑或爲疑蓋俗誤久矣俞樾曰詩桑柔篇靡所止疑傳曰疑定也疑訓定故與止同義此云疑止猶詩云止疑荀子傳詩故用詩義耳楊

注疑或爲疑非是其所以貫理焉雖億萬已不足以浹萬物

之變與愚者若一貫習也浹周也子叶反或當爲接。俞樾曰

篇篇終遠兄弟傳曰已猶終也言終不足以浹萬物之變也詩葛

訓終爲已倍二十四年左傳婦怨無終杜注曰終猶已也故已

亦猶終也光謙案荀書以挾代洩學郭嵩燾曰學字當斷句此亦當爲挾作洩者後人所改學焉至老而不免於愚則

執一之不足相通也老身長子而與愚者若一猶不知錯夫是之謂妄人

錯置也謂廢捨也身已老矣子已長矣猶不知廢捨無益之學夫是之謂愚妄人也故學也者固學止之

也惡乎止之曰止諸至足曷謂至足曰聖也或曰聖下更當有王字誤脫耳言人

所學當止於聖人之道及王道不聖也者盡倫者也王也者盡

制者也倫物理也兩盡者足以爲天下極矣所以爲至足也故學者以

聖王爲師案以聖王之制爲法法其法以求其統類以務象效

其人統類法之大綱謝本從盧校重一類字盧文弨曰法其

法其法以求其統類以務象效其人三句一氣貫注若多一類

字則隔斷上下語脈矣宋本下類字即涉上類字而衍先謙案

王說是今嚮是而務士也類是而幾君子也幾近也類聖人而近之則爲君子士

者脩飾之名君子知聖王故有知非以慮是則謂

之懼自知其非以圖慮於有勇非以持是則謂之賊勇於為非

也是則謂之能戒懼也察孰非以分是則謂之篡孰甚也察甚其非以分為多能非

以脩蕩是則謂之知脩飾也蕩動也多能知非脩飾蕩動而辯

利非以言是則謂之詘辯說利口而飾非以言亂是則謂之詘

懼字義不可通懼當為攫字之誤也攫謂攫取之也不苟篇小

人知賊智則攫盜而漸趨賊地覩醜而書故曰有知非以慮是

則謂之攫脩讀為絲綱官同音義絲綱謂絲蕩使潔清也

此言智也勇也察也多能也辯利也皆必用之於是而後可殺

則謂之賊然於察而不以分是則謂之篡多能而不以絲蕩是

則謂之智則謂之知則謂之知則謂之知則謂之知則謂之知則謂之知

也楊說皆失之傳曰天下有二非察是是察非眾以為是者而

而察謂合王制與不合王制也所以非察是是察非天下有不

以是為隆正也然而猶有能分是非治曲直者邪有不以合王

陸正者而能分是非治曲直乎言必不能也。先謙案陸正猶中正若夫非分是非非治曲直非

辨治亂非治人道雖能之無益於人不能無損於人案直將治

怪說玩奇辭以相撓滑也案彊鉗而利口厚顏而忍詬無正而

恣睢妄辨而幾利滑亂也音骨解服人鉗鉗人口也詬詈也

所近者惟利也。王念孫曰方言鉗惡也。恣睢幾利謂妄為辨說

謂之鉗郭璞曰殘弱惡也然則彊鉗者既彊且惡也非鉗人口

之謂詬詬也大戴禮曾子立事篇君子見利思辱見惡思詬定

八年左傳公以晉詬語之杜虛注竝曰詬恥也字或作詬昭二

十年左傳余不忍其詬杜注曰詬恥也又作垢宣十五年左傳閔君舍垢

杜注曰忍垢恥也又作垢宣十五年左傳閔君舍垢

謂忍詈也楚辭離騷曰忍尤而攘詬紅註詬呂氏春秋離俗篇

曰彊力忍詬韓註詬淮南汜論篇曰忍詬而輕辱史記伍子胥

傳曰剛戾忍詬皆其證也非十二子篇無廉恥而忍讓詬即此

楊注以錯人不好辭讓不敬禮節而好相推擠此亂世姦人之

說也則天下之治說者方多然矣慎墨宋傳曰析辭而為察言

物而為辨君子賤之博聞彊志不合王制君子賤之此之謂也

所謂析言破律為之無益於成也求之無益於得也憂戚之無

益於幾也言役心無益復憂戚亦不能近道也。俞樾曰幾者

無益則為君子所不取矣楊注謂憂戚亦不則廣焉能弃之矣

不以自妨也不少頃干之胷中廣讀為曠遠也不以自妨謂不

按能讀為而曠焉而奔之謂遠弃之也不慕往不閔來無邑憐

之不慕往謂不慕無益之事而往來正之也或曰往古昔也來將來也不慕

往古不閔將來言惟義所在無所繫滯也邑憐未詳或曰邑與

心此皆明不為當時則動物至而應事起而辨治亂可否昭然

異端所蔽也

明矣

周而成泄而敗明君無之有也

以周密為成以漏泄為敗明君無此事也明君日月之照臨安

用周宣而成隱而敗闇君無之有也

以宣露為成以隱蔽為敗闇君亦無此事也闇君務

在隱蔽而不知昭明之功也

故君人者周則讒言至矣直言

反矣小人邇而君子遠矣詩云墨以為明狐狸而蒼此言上幽

而下險也

逸詩墨謂蔽塞也狐狸而蒼言狐狸之色居然有異若以蔽塞為明則臣下誑君言其色蒼然無別猶指

鹿為馬者也幽暗也險傾側也。盧文弨曰正文墨以為明元

刻明作明狐狸而蒼宋本而作其王伯厚詩攷引作而今從之

又注傾側也元刻作詐也郝懿行曰墨者幽闇之意詩言以闇

為明以黃為蒼所謂元黃改色馬鹿易形也

二篇規規趙高欲為亂以青為黑以黑為黃民言從

之辭規此正上幽下險之事

君人者宣則直言至矣而讒

言反矣君子邇而小人遠矣

反還也讒言復歸而不敢出矣或曰反倍也言與讒人相倍反也。

先謙案讒言上

詩曰明明在下赫赫在上此言上明而下化也

詩大雅大明之篇言文王之德明
明在下故赫赫然著見於天也

荀子卷第十五

荀子卷第十六

唐登仕郎守大理評事楊 倬 注

臣 王先謙集解

正名篇第二十二

是時公孫龍惠施之徒亂名改作以是爲非故作正名篇尹文子曰形以定名名以定事

事以驗名察其所以然則形名之與事物無所隱其理矣名有三科一日命物之名方圓白黑是也二日毀譽之名善惡貴賤是也三日况謂之名賢愚愛憎是也。盧文昭曰事以驗名案本書作檢名。

後王之成名

後之王者有素定成就之名謂舊名可法效者也

刑名從商爵名從周文

名從禮

商之刑法未聞康誥曰殷罰有倫是亦言殷刑之允當也爵名從周謂五等諸侯及三百六十官也文名謂節

文威儀禮卽周之儀禮也。郝懿行曰文名謂節文威儀禮卽周之儀禮其說是也古無儀禮之名直謂之禮或謂之禮經

散名之加於萬物者則從諸夏之成俗曲期

成俗舊俗方言也期會也曲期謂委

曲期會物之名者也。郝懿行曰曲期謂曲折期會之地猶言委巷也此與遠方異俗相儷楊注斷曲期上屬似未安先謙案

郝云曲期二字下屬是也而解爲委巷非也下文云命不喻然
後期期不喻然後說注期會也物之稍難名命之不喻者則以
形狀大小會之若是事多會亦不喻者則說其所以然是曲期
者乃委曲以會之萬物之散名從諸夏之成俗以委曲期會於
遠方異俗之鄉而因之以遠方異俗之鄉則因之而爲通
爲通所謂名從中國是也散名之在人者舉名之分
名之乖異者則因其所名散在人者生之所以
遂以爲通而不改作也然者謂之性理是所受於天之性也性之和所生精合感應不
事而自然謂之性所生精合感應不使而自然言其天性如此
也精合謂若耳目之精靈與見聞之物合也感應謂外物感心
而來應也○先謙案性之和所生當作生之和所生此生字與
上生之同亦謂人生也兩謂之性相龢生之所以然者謂之性
生之不事而自然者謂之性文義甚明若云性之不事而自然
者謂之性則不詞矣此傳寫者緣下文性之性之好惡喜怒哀
而誤注人之性性當爲生亦後人以意改之性之好惡喜怒哀
樂謂之情人性感物之後分情然而心爲之擇謂之慮情雖無
可否而行心慮而能爲之動謂之僞僞矯也心有選擇能動而
謂之慮也心慮而能爲之動謂之僞行之則爲矯拂其本性也

○郝懿行曰荀書多以偽爲爲楊注訓偽爲矯不知古字通耳
下云正利而爲謂之事正義而爲謂之行與此能爲之爲俱可
作慮積焉能習焉而後成謂之偽心雖能動亦在積久習學然
曰此偽字元刻作爲非也觀荀此篇及禮論等篇偽卽今爲字
故曰桀紂性也堯舜偽也謂堯舜不能無待於人爲耳後儒但
知有真偽字昧古六書之法而皆之者爲正
眾矣下兩而爲承上文亦必本是而譌爲正
事利則謂之事業正義而爲謂之行荀非正義則謂之姦邪行
謂商農工賈者也正義而爲謂之行下孟反○俞樾曰廣韻正
正當也正利而爲正義而爲猶文四年左所以知之在人者謂
傳曰當官而行也楊注以正道釋之非是

之知知有所合謂之智知之在人者謂在人之心有所知者知
曰謂之智亦當同上作謂之知而皆讀爲智耳下能字亦可不
分兩音先謙案在人者明藏於心有合者遇物而形下兩謂之
能智所以能之在人者謂之能智有所能人在人之心者謂之能
同能智有所能人在人之心者謂之能
字衍注當云在有所能有所合謂之能能當爲耐古字通也
能謂之能此似有舛誤耐謂堪任其事耐乃
來乃代二反○郝懿行曰案楊注能耐古通此語非是楊旣知
爲古字通矣何必上爲能下爲耐強生分別卽如上文二知二

智亦是強生分別古本必皆作知如僞爲之例也若依楊注則上文謂之性此兩性字不知當何分別戴記禮運樂記二篇並用耐字鄭康成注耐古能字也此蓋楊注所本然鄭此說未見所出既云古字時有存者又云亦有今誤譌運然則鄭意亦不以爲定論也且以荀書訂之仲尼篇云能耐任之又云能而不耐任楊注耐忍也此則一句之中耐能兼用其不以爲一字明矣又攷說文熊屬也能獸堅中故稱賢能而彊壯傳能傑也又云耐或耐字不言爲古能字然則經典用能不用耐當依許叔重書康成之說與許不同疑未可據先謙案二僞二知二能並有虛實動靜之分知皆讀智能皆如字不分兩讀楊說非也性傷謂之病傷於天性節遇謂之命節時也當時所遇謂之命案節猶適也是散名之在人者也是後王之成名也哈舉此上說詳天論篇是在人者而後王可因襲成就素定之名也而故王者之制名或者乃爲堅白之說以是爲非斯亂名之尤也故王者之制名名定而實辨道行而志通則慎率民而一焉道謂制名之道志通言可曉也禮記日黃帝正名百物以明民慎率民而一焉言不敢以異端改作也故析辭擅作名以亂正名使民疑惑人多辨訟則謂之大姦其罪猶爲符節度量之罪也新序

曰子產決鄧析敎民之難約大獄袍衣小獄襦袴民之獻袍衣
襦袴者不可勝數以非爲是以是爲非鄭國大亂民口譁譁子
產患之於是討鄧析而僇之民乃服是非乃定是其類也。盧
文弨曰今本新序缺此文王念孫曰析辭擅作下本無名字有
名字則成累句矣此名字涉下正名而衍下文離正
道而擅作作下無名字卽其證先謙案爲與僞同 故其民莫

敢託爲奇辭以亂正名故其民慤慤則易使易使則公

顧千里曰公

疑當作功荀子屢言功可以爲證下文則其迹長矣迹長功成
治之極也承此功言之不作公明甚宋本與今本同蓋皆誤

其民莫敢託爲奇辭以亂正名故壹於道法而謹於循令矣如

是則其迹長矣

迹王者所立之迹也下不敢亂其名畏服於上故迹長也長丁丈反

迹長功成治

之極也是謹於守名約之功也

謹嚴也約要約

今聖王沒名守慢奇辭

起名實亂是非之形不明則雖守法之吏誦數之儒亦皆亂也

奇辭亂實故法吏迷其所守偏儒疑其所習。先謙案誦數猶誦說說見勸學篇

若有王者起必將有

循於舊名有作於新名

名之善者循之不善者作之故孔子曰必也正名乎。先謙案舊名上所云成

名也新名上所云託奇辭以亂正名也既循舊名必變新名以反其舊作者變也禮記哀公問鄭注作猶變也楊注未晰然則所爲有名與所緣以同異與制名之樞要不可不察也緣因要大要總名也物無名則不可分辨故因而有名也名不可一貫故因耳目鼻口而制同異又不可常別雖萬物萬殊有時欲舉其大綱故制爲名之樞要謂若謂之禽知其二足而羽謂之獸知其四足而毛既爲治在正名則此三者不可不察而知其意也謝本從盧校作有同異王念孫曰元刻有作以株驢案作以者是也下文云然則何緣而以同異又云此所緣而以同異也三以字前後相應宋本作有者涉上異形離心萬物之形句有名而誤先謙案王說是今改從元刻異形離心各異則分離人之心言人心知其不同交喻異物名實玄紐玄深隱也紐也此已下覆明有名之意交喻異物名實玄紐玄深隱也若不爲分別立名使物物而交相譬喻之則名實深隱紛結難知也○都懿行曰玄卽眩字紐系也結也言名實眩亂連系交結而難曉也王念孫曰名實互紐卽上文所謂名實亂也今本互字上下皆誤加點楊所見本已然故誤讀爲胡渭切而所說皆非先謙案楊注之非由失其讀異形離心交喻句異物名實玄紐句離心交喻謂人心不同使之共喻下文所云名聞而實喻也異形者離心交喻異物者名貴賤不明同異不別如是則志必有實眩紐此所以有名也

不喻之患而事必有困廢之禍故知者爲之分別制名以指實

無名則物雜亂故智者爲之分界制名所以指明實事也止以明貴賤下以辨同異貴賤明

同異別如是則志無不喻之患事無困廢之禍此所爲有名也

有名之意在此然則何緣而以同異設問覆明同異之意也曰緣天官天官耳目

也謂之官言各有所司主也緣天官凡同類同情者其天官之

意物也同故比方之疑似而通是所以共其約名以相期也同類

同情謂若天下之馬雖白黑大小不同天官意想其同類所以共其省約之名以相期會而命之名也。盧文弨曰注末名也

上宋本有各爲制三字衍王念孫曰約非省約之謂約名猶言名約上文云是謹於守名約之功也楊彼注云約要約是也下

文云名無固宜約之以命約定俗成謂之實名又其一證也形體

色理以目異形體形狀也色五色也理文理也言萬物形體色

榮辱性惡二篇竝云骨體膚理彼言骨體膚理此言形體色理形體猶骨體也色理猶膚理也楊云色五色也失之聲音

清濁調竽奇聲以耳異

清濁宮徵之屬調竽謂調和笙竽之聲也

之屬而言竽者或曰竽八音之首故黃帝使伶倫取竹作管是竹爲聲音之始莊子天籟地籟亦其義也奇奇異也奇聲萬物眾聲之異者也。盧文弨曰調竽二字上下必有脫誤不必從爲之辭俞樾曰笙竽之聲而獨言竽義不可通楊又引或說謂竽八音之首斯曲說也調竽疑當爲調笑字之誤也孟子告子篇曰則已談笑而道之謂笑與談笑文異而誼同玉篇廣韻竽日談戲調也蓋談與調一聲之轉耳笑笑形似因而致誤先謙案調竽當爲調節節字皆從竹故節誤爲竽禮記仲尼燕居篇樂也者節也孔疏節制也檀弓篇品節斯疏節制斷也是節爲制也調者說文和也聲音之道調以和合之節以制斷之故曰調節與清濁同爲對文奇聲與甘苦鹹淡辛酸奇味以口異下奇味奇臭對文楊俞說皆非

奇味眾味

香臭芬鬱腥臊酒酸奇臭以鼻異

芬花草之香氣也鬱腐臭也禮記曰

鳥鵲色而沙鳴鬱酒未詳酸暑沍之酸氣也奇臭眾臭之異者氣之應鼻者爲臭故香亦謂之臭禮記曰皆佩容臭或曰酒當爲漏菜文稍相似因誤耳禮記曰馬黑脊而般臂漏鄭音螻蛄臭者也。盧文弨曰酒從水西聲古音與辛相同酒酸猶辛酸辣氣之觸鼻者王念孫曰辛酸皆味也非臭也宋玉高唐賦孤子寡婦寒心酸鼻阮籍詠懷詩感慨懷辛酸怨毒常苦多皆

非辣氣觸鼻之謂西古讀若先字古在諄部辛字古在眞部
不得言西辛古音相同虛說非也楊以洒爲漏之誤是也余謂
酸乃腐字之誤腐從西聲與酸字左畔相同又涉上文辛酸而
誤也周官內饗及內則並云牛夜鳴則腐先鄭司農云腐朽木
臭也牛夜鳴則腐今本則作日內則注曰腐惡臭也春秋傳曰
一薰一蕕一腐則臭注年臭如朽木鬱腥臊腐病並見周官禮記則洒
酸必漏腐之誤也酸亦味也非臭
也楊以爲暑汜之酸氣亦失之
疾養滄熱滑鉞輕重以形體
異或曰滑如字鉞當爲鉞傳寫誤耳與澀同輕重謂分銖與鈞
石也此皆在人形體別異之而
立名也滄初亮反又楚陵反
說故喜怒哀樂愛惡欲以心異
說讀爲脫誤也脫故猶律文之故誤也先謙案說者心誠悅
之故者作而致其情也與性惡篇習僞故之故同義二字對文
楊注
心有徵知召萬物而知之徵知則緣耳而知聲可也緣目
而知形可也緣因也以心能召萬物故可以因耳而知聲因目
而知形爲之立名心雖有知不因耳目亦不可也
然而徵知必將待天官之當簿其類然後可也天官耳目也當
簿書也當簿謂如各主當其簿書不雜亂也類謂可聞之物耳
之類可見之物目之類言心雖能召所知必將任使耳目令各

主掌其類然後可也言心亦不能自主之也。俞樾曰楊注曰天官耳目也疑此文及注竝有奪誤上文云然則何緣而以同異日緣天官注曰天官耳目鼻口心體也是天官本兼此六者而言此何以獨言耳目乎疑天官乃五官之誤上云心有微知此當云然而微知必將待五官之當簿其類注當云五官耳目鼻口體也所以不數心者微知即心也下文云五官簿之而不知心微之而無說即承此文而言可知天官爲五官之謠因五官謠爲天官而注又有闕文遂不可讀 五官簿之而不知心微之而無說則人莫不然謂之不知此所緣而以同異也。五官耳目鼻口心也五官能主之而不能知心能召而知因立同異之名使人曉之也。王念孫曰莫不然謂之不知然字涉上下文而衍五官者耳目鼻口與形體也規上言五官能簿之而不能知心能微之而又無說則人皆謂之不知也楊注亦當作五官耳目鼻口體也今本體作心乃後人不知其義而妄改之上注云天官耳目鼻口心體也足正此注之誤耳。聃聃即鄒喻五臟五腑之辭也郭高燾曰王說非也簿猶記錄也心微於耳目而後有知所聞所見心微而知之由耳目之記籍其名也與耳目相接而終不知其名心亦能微之耳目而莫能言其名則終不知而已莫不然後隨而命之既分同異然謂之不知然亦語詞不必爲衍文然後隨而命之之後然後

隨所名而命之此已下
覆明制名樞要之意也
同則同之異則異之
同類則同名異類則異名單足

以喻則單單不足以喻則兼
單物之單名也兼復名也喻曉也謂若止喻其物則謂之馬喻其毛

色則謂之白馬黃馬之比也
盧文弨曰注復名宋本作復名案復亦與複通用
單與兼無所相避則

其雖其不爲害矣
謂單名復名有不可相避者則雖共同其名謂若單名謂之馬雖萬馬同名復名謂之白

馬亦然雖其不
害於分別也
知異實者之異名也故使異實者莫不異名也

不可亂也
知謂人心知之異實者異名則不亂也謂若牛與馬爲異實也
猶使異實者莫不同

名也
恐異實異名卒不可徧舉故猶使異實者有時而同一名也或曰異實當爲同實言使異實者異名其不可相亂猶

如使同實者莫不同名也
王念孫曰或說是也上文同則同之異則異之是其證前說非
故萬物雖眾有

時而欲徧舉之故謂之物物也者大其名也推而其之其則有

其至於無其然後止
推此其名之理則有其至於無其言自同至於異也起於總謂之物散爲萬名是異

名者本生於別同名者也
王念孫曰其則有其之有讀爲又謂其而又其至於無其然後止也楊說失之
有時而

欲徧舉之故謂之鳥獸鳥獸也者大別名也推而別之別則有

別至於無別然後止言自異至於同也謂總其萬名復謂之物

以別異名同名之意○王念孫曰案此徧字當作別與上條不

同上條以同爲主故曰徧舉之此條以異爲主故曰別舉之郊

陂作鳥獸不同類而鳥獸之中又各不同類推而至於一類之

中又有不同類而鳥獸之中又各不同類推而至於一類之

名也推而別之別則有別賄上條徧舉又至於無別然後止也今本

作徧舉則義不可通蓋涉上條徧舉而誤楊說皆失之俞樾曰

此徧字乃徧字之誤上云徧舉之乃普徧之義故曰大其名也

此云徧舉之乃一徧之義故曰大別名也徧與徧形似因而致

誤先謙案名無固宜約之以命約定俗成謂之宜異於約則謂

之不名無固宜言名本無定也約之以命謂立其約而命之

若約爲天則人皆謂之天也○先謙案注固宜各本誤

故直名無固實約之以命實約定俗成謂之實名實名謂以名

今正名無固實約之以命實約定俗成謂之實名實名謂以名

語文辭謂若天地日月之比也○王念孫曰約之以命實實字

涉上下文而衍上文名無固宜約之以命楊注云約之以命謂

立其約而命之則此言約之以命義亦與上同名有固善徑易

若命下有實字則義不可通且楊必當有注矣

而不拂謂之善名

徑疾平易而不違拂謂易曉之名也即謂物

有同狀而異所者

謂若兩馬同狀各在一處之類也

有異狀而同所者

謂若老幼異狀

同是一身也

可別也狀同而為異所者雖可合謂之二寶

兩馬之類名雖可合

狀變而實無別而為異者謂之化有化而

無別謂之一實

狀雖變而實不別為異所則謂之化化者改舊

故謂之一實

此事之所以稽實定數也

稽考其實而定一二之數也

此制名

之樞要也

此皆明制名之大意是其樞要也

後王之成名不可不察也

此三者制名之

實後王可因其成名而名之故不可不察也

見侮不辱聖人不愛己殺盜非殺人也此惑於用名以亂名者

也

見侮不辱宋子之言也聖人不愛己未聞其說似莊子之意

殺盜非殺人亦見莊子宋子言見侮不辱則使人不聞或言

聖人不愛己而愛人莊子又云殺盜賊不為殺人言此

驗之所

以爲有名而觀其執行則能禁之矣

驗其所爲有名本由不喻之患困廢之禍因觀見侮

不辱之說精孰可行與否則能禁也言必不可行也。王引之

曰驗之所下以字及下文驗之所緣下無字皆後人所增據注

云驗其所爲有名驗其所緣同異則上無以字下無無字明甚

上文云所爲有名竊聽觀與所緣以同異不可不察也故此

承上文而言之又案孰者何也觀觀其執行者觀其何所行

也觀其執調者觀其何所調也楊讀孰爲熟而訓爲精熟則義

不可 **山淵平情欲寡** **琴不加甘大鍾不加樂** **此惑於用實以**

亂名者也 山淵平即莊子云山與澤平也情欲寡即朱子云人

之精欲寡也琴不加甘大鍾不加樂墨子之說也

古人以山爲高以泉爲下原其實亦無定但在當時所命耳後

世遂從而不改亂名之人既以高下是古人之一言未必物之

實也則我以山泉爲平奚爲不可哉古人言情欲多我以爲寡

琴琴甘大鍾樂我盡以爲不然亦可也此惑於用實本無定以

亂古人之 **驗之所緣無以同異而觀其執調則能禁之矣** 驗其

舊名也

同異本由物一貫則不可分別故定其名而別之今山淵平之

說以高爲下以下爲高若觀其精孰得調理與否則能禁惑於

實而亂名者也。郭嵩燾曰此三惑仍承上言之用名以亂名

則驗其所以爲名而觀其行用實以亂名則驗其所緣以爲同

異而訓使平用名以亂實則驗其制名之原而觀其所以爲辭
受荀川此三者以明諸家立言之旨所以爲正名也此文驗之
所緣無以同異與前非而謁楹有牛馬非馬也此惑於用名以
文不合明無字衍文非而謁楹有牛未詳所出馬非馬是公孫龍白馬之
亂實者也說也白馬論曰言白所以命色也馬所以命形也色
非形形非色故曰白馬非馬也是驗之名約以其所受悖其所
惑於形色之名而亂白馬之實也驗之名約以其所受悖其所
辭則能禁之矣名約卽名之樞要也以用也悖違也所受心之
定數今馬非馬之說則不然若用其心凡邪說辟言之離正道
之所受者違其所辭者則能禁之也
而擅作者無不類於三惑者矣辟讀爲僻故明君知其分而不與辨
也明君守聖人之名分不夫民易一以道而不可與共故故事
必亂名辨說是非也言聖人謹守名器以道一民不與之共事共則民以它事亂之故
老子曰國之利器不可以示人也○郝懿行曰故謂所以然也
夫民愚而難曉故但可脩之大道而不可與共故明君臨之以
明其所以然所謂民可使由之不可使知之
執道之以道道達之申之以命章之以論禁之以刑故其民之

化道也如神辨執惡用矣哉

申重也章明也論謂先聖格言但用此道取之不必更用辨執也辨

執謂說其所以然也。虛文昭曰以注末釋辨說觀之則正文

辨執乃辨說之訛注執字亦當作說下文屢云辨說則此之為

誤顯然蓋因上有臨之以執語而誤涉耳先謙案據虛說

注皆作辨執今繙謝本者竝作辨說誤據虞王本改正 今聖

王沒天下亂姦言起君子無執以臨之無刑以禁之故辨說也

荀卿自述正名 實不喻然後命命不喻然後期期不喻然後說

及辨說之意也 說不喻然後辨

命謂以名命之也期會也言物之稍難名命之

白馬但言馬則未喻故更以白會之若是事多會亦不

喻者則說其所以然若說亦不喻者則反覆辨明之也 故期命

辨說也者用之大文也而王業之始也

無期命辨說則萬事不

業之始在於正名 名聞而實喻名之用也

行故為用之大文飾王

故曰王業之始也 文名之麗也

累名而成文辭所以為名之華麗詩書之言皆是

也或曰麗與儷同配偶也。虛文昭曰注麗與儷

同舊本脫與 儷俱得謂之知名

淺與深俱不失 名也者所以

儷二字今補

期累實也

名者期於累數其實以成言語或曰累實辭也者兼當為異實言名者所以期於使實各異也

異實之名以論一意也

辭者說事之言辭兼異實之名謂兼數異實之名以論公即位之一意也。王念孫曰

月公即位兼說亡實之名以論公即位之一意也。王念孫曰

論當為論字之誤也。辭補情格辭不假辭論明也言兼說異實

之名以明之也字或作喻下文言喻者甚多此不應獨作論也楊說

靜之道也是其證上下文言喻者甚多此不應獨作論也楊說

以春秋云論公即位之辨說也者不異實名以喻動靜之道也

一意則所見本已誤

動靜是非也言辨說者不唯兼異常實之名所期命也者辨說

以喻是非之理辭者論一意辨者明兩端也

期謂委曲為名以會物也

之用也

為心想象之道故心也者道之工宰也

有所明則辨也

心也者道之工宰也

工能成物宰能主物

陳奐曰工宰者上官也官宰猶言主宰

之君也而神明之主也出令而無所受令是其義舊注失之

道也者治之經理也

為理國之常法條貫也

心合於道說合於

心辭合於說

知道說能合心辭能成言也

正名而期質請而喻

荀子卷第十七

卷一百一十五

正名而期謂
正其名以會

物使人不惑也。質物之形質，實請而喻謂。若形質自請其名，然因而喻知其實也。辨異而不過謂足，以別異物則已。不過說也。推類而不悖，謂推同類之物，使其共其名，不使乖悖也。聽則合文，辨則盡。故謂聽它人之說，則取其合文理者，自辨說則盡其事。實也正，道謂正名之道，持制也。竄匿也。百家無所隱，竄言皆知其姦詐也。○王念孫曰：楊說質請甚迂。質本也，縻縻謂顯也。文云名聞而實喻，是其證也。正名而期質情，而喻情即是實。實與名正相對也。古者情請同聲而通用，或假借則其請屬文，此史記子虛篇：「情請同聲，此則子虛篇：「情請同聲，此則子虛篇：」又墨子尚同篇：「情請同聲，此則子虛篇：」明鬼篇：「情請同聲，此則子虛篇：」諸篇皆以命。有兼聽之明而無奮矜之容，有兼覆之厚而無伐

明鬼非命
諸篇皆以
諸篇皆以

有兼聽之明而無奮矜之容有兼覆之厚而無伐

是時百家曲說皆競自予。伐故述聖人辨說雖兼聽兼覆而無奮矜伐德之色也。白道明道也冥幽隱也冥窮謂退而窮

處也。俞樾曰：揚說冥窮之義甚爲迂曲。窮當讀爲躬白道而冥躬者明白其道而幽隱其身也。古窮與躬通用。論語鄉黨篇

鞠躬如也聘禮鄭注作鞠窮是其證詩曰黼黻印印如珪如璋令聞令望豈弟君

子四方爲綱此之謂也

詩大雅卷阿之篇黼黻體貌敬順也印印志氣高朗也

辭讓之節得矣長少之理順矣忌諱不稱祿辭不出以仁心說

以學心聽以公心辨

以仁心說謂務於開導不聘辭辨也以學心聽謂悚敬而聽它人之說不爭辨也以

公心辨謂以至公辨它人之說是非也

不動乎眾人之非譽

不以眾人之動但自正其辭說

也 不治觀者之耳目

其所辨說不求夸眩於眾人。王念孫曰治字義不可通治當爲治字之誤也不治

觀者之耳目謂不爲祿辭以惑眾人之耳目也。王念孫曰古字通集韻上聲三十五馬蟲以者切媚也文選南都賦侍者

蠱媚五臣本蠱音治劉良曰蠱媚美容儀也舞賦貌嫵妙以妖

蠱五臣作妖治後漢書張衡傳威姦麗以蠱媚注曰蠱音野謂

妖麗也是治即蠱惑之蠱也不治觀者之耳目不賂貴者之權

勢二句一意相承據楊注云其所辨說不求夸眩於眾人則所得言夸眩於眾矣以是明之

不賂貴者之權執

不爲貨賂而移貴者之權

也 不利傳辟者之辭

利謂說愛之也辟讀爲僻

故能處道而不貳吐而不奪

利而不流貴公正而賤鄙爭是士君子之辨說也

吐而不奪謂吐論而人不

能奪利或為和。俞樾曰楊說非也吐當為咄形似而誤從土從出之字隸書每相亂若數從出而今譌為敖貴從出而今譌

為賣是也咄者詘之段字從口從言之字古或相通若詠之為咏諧之為咄吟之為吟噴之為讀是也詘而不奪利而不流二

句相對言雖因詘而不可劫奪雖通利而不至流蕩也上文於聖人之辨說曰說行則天下正說不行則白道而冥躬此於士

君子之辨說曰詘而不奪利而不流詘謂說不利利謂說行其文正相配也詩曰長夜漫兮永思寤

兮大古之不慢兮禮義之不愆兮何恤人之言兮此之謂也

也漫謂漫漫長夜貌寤咎也引此以明辨說得其正何憂人之言也

君子之言涉然而精俛然而類差差然而齊彼正其名當其辭

以務白其志義者也

涉然深入之貌俛然俯就貌俛然而類謂俯近於人皆有統類不虛誕也差差不齊

貌謂論列是非似若不齊然終歸於齊一也當丁浪反彼名辭也者志義之使也足以相

通則舍之矣苟之姦也

通謂得其理使所吏反

故名足以指實辭足以見

極則舍之矣

極中也本也見賢遍反

外是者謂之訥是君子之所弃而愚

者拾以爲己寶

訥難也過於志義相通之外則是務爲難說耳君子不用也

故愚者之言苟

然而粗嘖然而不類諂諂然而沸

苟與忽同忽然無根本貌粗疎略也嘖爭言也助革反或

曰與曠同深也諂諂多言也謂愚者言淺

則疎略深則無統類又諂諂然沸騰也

無深於其志義者也

誘誑也但欺誑其名而不正眩惑其辭故而不實又不深明於志義相通之理也故

窮藉而無極甚勞而無功貪而無名

藉踐履也才夜反謂踐履於無極之地貪而無名謂

貪於立名而實無名也

故知者之言也

知讀爲智

慮之易知也行之易安也持

之易立也成則必得其所好而不遇其所惡焉而愚者反是詩

曰爲鬼爲蜮則不可得有覩面目視人罔極作此好歌以極反

側此之謂也

詩小雅何人斯之篇毛云蜮短狐也覩姑也鄭云使女爲鬼爲蜮也則女誠不可得見也姑然有面

目女乃人也人相視無有極時終必與女相見作此歌求女之情女之情展轉極於是也

凡語治而待去欲者無以道欲而困於有欲者也凡言治待使人盡去欲然

後為治則是無道欲之術而反為有欲者所困也凡語治而待寡欲者無以節欲而困

於多欲者也若待人之寡欲然後治之則是無節欲之術而反為多欲者所困故能導欲則欲自去矣能節欲則

欲自寡矣有欲無欲異類也生死也非治亂也二者異類如生死之殊非治亂所繫在於

導欲則治不導欲則亂也。王念孫曰生死也當作性之具也義不相屬楊曲為之說非也生死也當作性之具也避嫌附

敦肅敦肅死下文性之具也即此句之衍文有欲無欲是生而然

者也故曰性之具也性之具也情之數也二句相對為文下文

雖為守門欲不可去雖為天子欲不可盡四句亦相對為文若

闕入性之具也一句則隔斷上下語氣楊曲為之說亦非也

欲之多寡異類也情之數也非治亂也情之數言人情必然之數也治亂所繫在節欲

則治不節欲則亂欲不待可得而求者從所可凡人之情欲雖不在欲之多寡也

之意求之則從其所得者也。盧文弨曰宋本注多賸字今

刪正俞樾曰待字衍當作欲不可得而求者從所可楊注不釋

待字故知為衍文郭嵩燾曰待字不可少人生而有欲不待其

可得而後欲之此根於性者也若無待字則文不成義俞說非

同欲不待可得所受乎天也求者從所可受乎心也天性有欲心爲之節
制。俞樾曰待字亦衍文也受乎心也上當有所字所受乎心
與所受乎天正相對下文亦以所受乎天所受乎心並言則此
文有所字明矣當據補所受乎天之一欲制於所受乎心之多固難類所

受乎天也

此一節未詳或恐脫誤耳或曰當爲所受乎天之一

欲制於所受乎心之計其餘皆衍字也一欲大凡人
之情欲也言所受乎天之大欲皆制節於所受心之計度心之
計度亦受於天故曰所受。俞樾曰或說甚晦義不可通此文
當云所受乎天之一所受乎心之多固難類也所受乎天所受
乎心卽承上文而言一與多正相對所受乎天之一言天之與
人有定也所受乎心之多言人之心無窮也固難類也猶言固
不可同耳郭嵩燾曰生之有欲一而已矣制於所受乎心之多
者以有欲之性聽命於心而欲遂多紛馳而日失其故轍其真
則與所受於天之一欲又不可以類求也文義顯然楊俞說皆
非人之所欲生甚矣人之所惡死甚矣然而人有從生成死者
非不欲生而欲死也不可以生而可以死也此明心制欲之義故欲過
之而動不及心止之也動謂作爲也言欲過多而所作爲不及其欲由心制止之也。先謙案此文卽

以上生死明之所欲有過於生而動不及於求生者心之中理止之也故欲雖多不傷於治所欲不及於死而動過之自取死者如鬪很亡身之類心之失理使之也故欲雖多無止於亂此在心不在欲也楊注似未全通心之所可中理則欲雖多奚傷於治之而中理欲雖多無害於治也欲不及而動過之心使之也心之所可失理則欲雖寡奚止於亂心使之欲雖寡亦不能止亂故治亂在於心之所可亡於情之所欲明在心不求之其所在而求之其所亡雖曰我得之失之矣所在心也性者天之就也情者性之質也欲者情之應也以所欲為可得而求之情之所必不免也性者成於天之自然情者性之質體欲又本從慮校無所字盧文弨曰以欲為可得宋本作以所欲以為可得今從元刻王念孫曰宋錢呂本世德堂本竝作以所欲以為可得而求之慮從元刻刪所字及下以字案所字不當刪下文曰所欲雖不可盡求者猶近盡是其證先謙案王說是今依宋本存以爲可而道之知所必出也心以欲為可得而道達故所字

雖爲守門欲不可去

夫人各有心故雖子性之具也雖爲天子

賤亦不能去欲也

欲不可盡

具全也若至其性之所欲雖爲天子亦不能盡秦皇漢武之比也

欲雖不可盡可以

近盡也

以用也近盡近於盡欲也言天子雖不可盡欲若知道則用可近盡而止之不使放肆之也

欲雖不

可去求可節也

雖至賤亦不可去欲若知道則求節欲之道而爲之也

所欲雖不可盡求

者猶近盡欲雖不可去所求不得慮者欲節求也

爲賤者之謀慮皆在節其

所求之欲也

○慮文弼曰注賤者舊本作貴賤訛今改正

道者進則近盡退則節求天下莫

之若也

道謂中和之道儒者之所守也進退亦謂貴賤也道者貴則可以知近盡賤則可以知節求天下莫及之也

凡人莫不從其所可而去其所不可知道之莫之若也而不從

道者無之有也

知節欲無過於道則皆從道也

假之有人而欲南無多而惡北

無寡豈爲夫南者之不可盡也離南行而北走也哉

有人欲往南而惡往

北也欲南無多謂南雖至多猶欲之也惡北無寡謂北雖至寡猶惡之也言此人既欲南而惡北豈爲夫南之不可得盡因肯

治南而走北乎今人所欲無多所惡無寡豈爲夫所欲之不可盡也離

得欲之道而取所惡也哉今夫人情欲雖至多猶欲之惡雖至寡猶惡之豈爲欲之不可得盡因肯

取所惡哉言聖人以道節欲則各安其分矣而宋墨之徒不喻

斯理而彊令去欲寡欲此何異使之離南而北走捨欲而取惡

必不可故可道而從之奚以損之而亂可道合道也損減也言若合道則從之奚以損

亂而過不可道而離之奚以益之而治不合道則離之奚以益治而過此此明上合道

雖爲有欲之說亦可從之不合故知者論道而已矣道雖爲去欲之說亦可離之也小家珍說

之所願皆衰矣知治亂者論合道與不合道而已矣不在於有欲無欲也能知此者則宋墨之家自珍貴其說

願人之去欲寡欲者皆衰矣凡人之取也所欲未嘗粹而來也其去也所惡

未嘗粹而往也故人無動而不可以不與權俱粹全也凡人意有所取其欲未

嘗全來意有所去其惡未嘗全去皆所不適意也權者稱之權

所以知輕重者也能權變適時故以喻道也言人之欲惡常難

適意故其所舉動而不可不與道俱不與道俱則惑於欲惡矣故達道者不戚戚於貧賤不汲汲於富貴故能遺夫得喪欲惡

不以介懷而欲自節矣。王念孫曰上不字衍此言人之舉動不可不與權俱難。不與權俱則必為欲惡所惑故曰人無動而可以不與權俱。今本可上有不字者涉注文不可不與道俱而衍。衡不正則重縣於仰而人以爲輕輕縣於俛而人以爲重此人所以惑於輕重也。衡稱之衡偏舉也。衡若均舉之則輕重等而平矣。若偏舉之則重縣於仰輕輕縣於俛而猶未平也。遂以此定輕重是惑也。權不正則禍託於欲而人以爲福福託於惡而人以爲禍此亦人所以惑於禍福也。權不正謂不知道而偏見如稱之權不正者也。禍福託於惡謂若有才未偶因以爲禍不知先道者古今之正權號後笑也。言不知道則惑於倚伏之理也。也離道而內自擇則不知禍福之所託。道能知禍福之正如權之知輕重之正離權則則不知輕重離道則不知禍福也。易者以一易一人曰無得亦無喪也。易謂以物相易以一易兩人曰無喪而有得也以兩易一人曰無得而有喪也計者取所多謀者從所可以兩易一人莫之爲明其數也從道而

出猶以一易兩也奚喪

從道則無所喪儒術是也

離道而內自擇是猶以兩

易一也奚得

離道則無所得宋墨是也

其累百年之欲易一時之嫌然且爲

之不明其數也

累積也嫌惡也此謂不以道求富貴終遇禍也

有嘗試深觀其隱而難

其察者

有讀爲又雖隱而難察其字涉上文而衍據楊注云隱而

難察則無其字明矣

志輕理而不重物者無之有也

理爲道之精微○願

有外字下文外重物而不內憂者無之有也行離理而不外危者無之有也

外危二句爲同例也

外重物而不內憂者無之有也行離理而不外危者

無之有也外危而不內恐者無之有也心憂恐則口銜芻豢而

不知其味耳聽鐘鼓而不知其聲目視黼黻而不知其狀輕煖

平簞而體不知其安故嚮萬物之美而不能嫌也

嚮讀爲享獻也謂受其獻

也嫌足也快也史記樂毅曰先王以爲嫌於志嫌口簞反○俞樾曰平乃席名故與簞並言說文艸部蒹蒲子可以爲平席釋

名釋牀帳曰蒲平以蒲作之其體平也並可爲證 假而得問而嘆之則不能離也假或有人

問之蹇以爲足其意終亦不能離於不足也。王念孫曰得問二字義不可通楊曲爲之說非也得問當爲得閒姑見字之誤

也言憂恐在心則雖享萬物之美而心不懌懌即使暫時得閒而懌之而其不懌者仍在也故嚮萬物之美而

盛憂兼萬物之利而盛害如此者其求物也養生也弼壽也也皆

當爲邪故欲養其欲而縱其情縱其情則欲終不可養也欲養其性而危其

形欲養其樂而攻其心欲養其名而亂其行皆外重物之所致也如此者

雖封侯稱君其與夫盜無以異乘軒戴纓其與無足無以異與

同。盧文弨曰夫盜元刻無夫字乘軒上有雖字無足當謂貧人之本不足者俞樾曰無足謂別者也乘軒戴纓而行榮之

至矣然實與無足者之跨卓而行無以異也無足與乘軒相應盧未得其義 夫是之謂以己爲物役

矣已爲物役心平愉則色不及傭而可以養目所視之物不及傭作之人亦可養目

聲不及傭而可以養耳蔬食菜羹而可以養口蠶布之衣麻紉

之履而可以養體

竊糾之履屨麻履也。文弼曰蔬食當作疏食。

屋室廬庾葭橐蓐

尙机筵而可以養形

廬草屋也。庾屋如廩庾者葭蓐也。以廬庾爲屋室葭橐爲席蓐皆貧賤大之居也。尙

机筵未詳或曰尙言尙古猶若稱尙書之尙也尙机筵質樸之

机筵也。王念孫曰以廬庾爲屋室而云屋室廬庾則文義不

明且與葭橐蓐文非一律初學記器物部引作局室葭蓐橐蓐

於義爲長說文局促也局室謂促狹之室葭蓐橐蓐謂以葭爲

簾以葭爲蓐也屋室蓋局室之誤廬庾蓋葭蓐之誤蓐與葭

蓐與葭蓐對文則葭上不當有葭字且葭卽葭也又與葭相複

故無萬物之美而可以養樂無執列之位而可以養名

執列班

美名如是而知天下焉其爲天下多其和樂少矣

以是無貪利之心加以天

下之權則爲天下必多爲己之私和樂少矣。王念孫曰和當

爲私字之誤也。稽軒然曰私和樂少矣。言以是不貪之心

治天下則其爲天下必多而爲己之私樂必少也。私樂對天下

之樂而言若云和樂少則義不可通。楊云爲己之私和樂少則

未知和卽私之誤也。先謙案王說是注中和字乃後。夫是之謂

人因正文誤私爲和而釋人之楊所見本蓋不誤。

重己役物

知道則心平愉心平愉則欲惡有節不能動故能無

稽之言不見之行不聞之謀君子慎之無稽之言言無考驗者

謂在幽隱人所不聞見者君子尤當戒慎不可忽也中庸曰戒慎其獨也說苑作無類之說不戒之行不贊之辭君子慎之此三句不似此篇之意恐誤在此耳。盧文弨曰案此篇由孔子必也正名之旨推演之極言人不能無欲必貴乎導欲以合乎道而不貴乎絕欲此荀子之關小家珍說而與孔孟所言治己治人之旨相合後儒專言遏制淨盡者幾何不以雍而潰矣

荀子卷第十六